

fune, ut per aqua rsum virtus valde non affligatur, nec remaneat in corpore humor peccans. Qui vero morbi acuti a lesionē principum membrorum pendent, hi ita tractandi sunt, ut magis ad naturam & robur illorum conservandum respiciamus, quam ut curam nostram in morbi curationem totam conferamus, quo casu interdum ab aquis abstinenter erit, & curandum princeps membrum, interdum vero illis veendum. Sed de his quoq; alio tempore. Contumaces vero morbi si princeps membrum non occuparint, aut virtutem non habuerint languidam, ad aquas admittendi sunt: habita tamen ratione eius, quod quemadmodum sensim & longo tempore in partem irrepserunt & facti sunt contumaces: ita sensim quoque per rsum aquarum lentum & moderatum tollantur. Voco autem contumaces morbos, qui vel propter humores tenaces & tenaces sunt, aut nimis altè parti sunt infixi, aut in parte frigida harent, ut difficulter mutari & solvi possint. Morbi vero qui motum habent velocem, ut nunc in principes, nunc in alias partes irruere possint, hi, nisi aut evacuatio, aut humoris in alias partes distractio, aut revulsio premissa fuerit, aquarum rsum sine maiori periculo experiri non possunt.

CAPUT II.

D 4

D

DE IIS QVIBVS A QVAE
POTIO TANTVM, VEL
lavatio tantum, vel utrunc;
conveniat.

VT reuelè intelligi queat, qui morbi aquæ potionem tantum posulent, duo consideranda veniunt. Natura nempe corporum, & morbus. Quod ad naturam corporum attinet, consideranda est I. illorum temperies. II. habitus. III. robur viscerum principaliorum. IIII. facultas. V. via ipsa. Quod ad temperiem attinet, aquæ potio adhibenda est ijs, quorum temperies fuerit frigida & humida, vel calida & humida, vel suca etiam, sed non ex caliditate. Calida enim & humida temperies non ita à potionē luditur, quemadmodum à lotione, nam potio non ita calefacit & resiccat vt lotio. habeo huius rei & rationem & experientiam. Rationem quidem, quia potio humet & refrigerat per accidens. Humet quidem, motis & colliquatis humoribus frigidis: Refrigerat attractis & excretis à natura partibus aquæ calidioribus & subtilioribus, & relicti crassioribus & frigidioribus, vt aluminis, ferri & chalcanti. Experientiam, quia multis cognovi etiam calidæ naturæ, qui sitire se nunquam, cum aquam biberent, sunt professi, imò se minus quam ante sitire affirmarunt. Sicca tempe-

temperies qua ex frigiditate dependet, facilius
 etiam potionem tolerat quam lotionem, ob sic-
 citatem, qua in lavando augetur & virtus la-
 befactatur, non enim tantam potio impressio-
 nem facere potest quantum lavatio. propterea,
 quod aqua in potu assumta non diu, quemadmo-
 dum in lotione consilit & moratur, sed facile
 secernitur: cui accedit etiam hoc, quod vis aquae
 in corpore mutetur, circa corpus autem haerens
 integra permaneat: unde minores potio, maio-
 res vero lotio impressiones facere potest. I I.
 Considerandus est habitus. Habitus enim tenuis
 & macri corporis, qui propter antea indicatas
 rationes lotione vti non potest, ad potum potius
 quam lotionem admitti debet, ob minorem virium
 resolutionem, nisi viscera interiora & primaria
 nimis essent debilitata, unde magna colliquatio
 & virtutis destruictio metuenda sit, in eo enim
 casu a potionе abstinendum. Habitus vero ra-
 rus cui caliditas adiuncta est, nisi alia assint que
 suadeant, potionem non aqua fert ut densus.
 Cominoventur enim in illo habitu multisudores,
 & incalescit corpus, quod omnino dum aqua
 bibitur ut repulsioni contraria & molesta, vi-
 tari debet, non enim sudare bibentes debent.
 Densus vero non ita ad sudandum paratus est,
 I I I. Robur viscerum principalium hic etiam
 spectandum venit. Si enim sive cerebrum seu
 bepar robur adhuc habeat, & ab humoribus

multis & copiosis non adeò obrutatur, posse
in hoc casu non exit inconveniens. Si vero cere-
brum, præcipue vero hepar, & secundum suam
temperiem & essentiam, virtutem & robur su-
um, praesente etiam multorum humorum copia,
penè aniserit, potio caveri debet. humores enim
illi nimis funderentur & morerentur, & virtus
iam admodum & extreme languida, nec illos
nec aquam regere amplius posset, unde virtutia
extinctio & suffocatio. Quod si contingat ve-
ntriculi frigiditas & languor potionem postu-
let, hepar vero & renes sint valde calidi, in hoc
casu viscera illa calida ante potionem & intrin-
secus & extrinsecus munienda sunt, ne aqua il-
lis ob sit. IIII. Facultas est consideranda.
Si enim facultas & attractrix & expultrix va-
lidæ fuerint, tolerari potio potest: si vero non
fuerint, minus. Fieri enim alias posset, ut aqua
vel quia non attraherentur vel non expelleren-
tur, retinerentur, magno cum patientis incom-
modo, & interdum ciuiam periculo. Quemad-
modum multos vidi, qui propter hanc & aliam
causam ex retentione aquæ male habere cœpe-
runt. V. Via consideranda. Via sive sunt mea-
tuum, viscerum seu caritatum venarum, si laxæ
sunt (quod ex corporis raritate & venarum
amplitudine & latitudine deprehendi potest)
& magnæ, aquæ potionem admittunt. Cuius
enim illa & melius ad loca convenientia pene-
trare,

trare, & rursus cum tempus est, inde redire & egredi potest, sine etiam obstruktionis metu aut inflationis periculo. Hæc de natura corporum relata sint satis.

Quod vero ad morbum attinet, sex hæc capita consideranda sunt. I. Subiectum ipsum, in quo morbi natura hæret. II. Humoris qui morbum facit qualitas. III. Quantitas. IIII. Motus illius. V. Locus, utrum in primis venis humor, aut alio in loco consistat. VI. Tempus. Quod ad subiectum attinet, si illud, ut supra est indicatum, non fuerit calidum & siccum, aut ex siccitate & caliditate extenuatum, nec à morbo ita confectum & debilitatum, ut aquæ impressionem vel non tolerare vel non expellere possit, sed supra proprias conditiones habuerit, rectè patienti aquæ potio tribui potest. VII. Quod ad humoris qualitatem attinet, si ille non fuerit calidus & siccus, sed frigidus & humidus, vel etiam frigidus & siccus, si etiam incisus & attenuatus fuerit, potio non est pratermittenda. Nullo enim modo assumenda est intra corpus aqua, si humor viscosus & contumax non ante fuerit præparatus, alias enim inflationes fiant & magna molestia in corpore, nec aqua bene secernitur. Non sit etiam, ut paulo ante ostensum est, calidus & siccus. Cum enim haæque valde calefiant & siccant, siccis & calidis humoribus adhibenda non.

non erunt, sed contrarijs. Possent enim vel febres vel alias partium principum inflammations excitare. Frigidis vero utiles sunt, densitatem enim & crassitudinem illorum dissolvere, viscositatem abstergere, & humiditatem naturam gravantem consumere possunt. IIII. Humoris quantitas spectanda est, Si enim humor, qui corrigi aut educari debet, fuerit exiguis, recte assumitur aqua, Sin autem illius fuerit magna copia, ut plerique contingit in obesis & alijs corporibus, quae facile putitosos humores generant & colligunt, iisdemque non purgatis nullo modo aqua propinari, nisi preparatio in quibusdam præcesserit, debet. Potes enim humor ille tam copiosus, colliquatus & fluidus factus, aut & corrutus, aut refrigerationem partis alicuius principis, aut etiam suffocationem afferre. Novi enim exemplum in fæmina nobili, quæ cum plethora ex fætore esset, & sine præparatione & purgatione his aquis nostris veteretur, incidit in magnam & corrutam, & flatibus ex humoribus illis copiosis resolutis, in dislentiones & punctiones & tormenta non vulgaria. Evacuatæ autem alvo, & materia viscosa in magna copia educta, rediit ad priorem corporis constitutionem.

III. Ad motum quod attinet humoris, si ille mobilis fuerit & turget, potio optimè conferet, lavatio nequaquam, que potius hoc atque illuc humorum in corpore agitabit, quam ut illum

illum evacuare, ut potio solet, possit. Advertendum tamen est, si humor nimis mobilis circa viscus aliquod præcipuum, ut exempli causa; cerebrum confliterit, ut in deliberatione de aqua assumenda, cauti simus, ne erreremus & patientem in periculum deducamus. Est etiam hoc non pretermittendum, ne cum humor mobilis sit ratione partium extrema imbecillitate & intemperie, sine discriminè potionem patienti suadeamus. Novi enim huius rei exempla, ubi in hoc casu potio non bene succedit. Præterea hoc notandum est, ne cum humor viscidus, tenax & immobilis sit, aquam propinemus, sed prius ipsum aut digeramus aut evacuemus, alias enim tormenta & inflationes, atque alia gravia symptomata excitantur, nec aquæ excretiones memorabiles contingunt. V. Locus considerandus est. Si enim humor in cerebro, aut ventriculo, aut intestinis, aut jecinore aut liene, matrice, renibus, vesica, & similibus alijs interioribus partibus baserit, potio commoda erit, lavatio non perinde, attenuat enim & abstergit & attrahit & evacuat humorem potio, lavatio vero revellit eum & colliquat intempestivè, præcipue autem potio prodest ijs partibus, quas aqua substantialiter permeat, ut ventriculo, intestinis, hepatis, renibus, vesicae, atque alijs. Reliquis vero, ad quas vapor aquæ pervenit, etiam utilis est, propter insignem illius penetrationem,

sed illa pōst à lavatione adiuvantur. Non autem
 aqua solummodo humores corrigit & educit ex
 ijs visceribus, sed etiam ea calefacit & roborat.
 Testis est ratio, quæ à natura minerarum sumi-
 tur, & experientia. VI. Tempus quoq; ob-
 servandum in potionē est, & quidem generale
 & particulare. Generale potionis tempus est,
 cum humores moveri incipiunt, & natura ro-
 busa est, illud vernum tempus est. Alio ve-
 rō tempore, vt hyemali, ubi humores contumaces
 sunt, & non facile moventur, non consert.
 Quemadmodum non consert si ijdem nimis cali-
 di & siccī, etiam nimis mobiles fuerint, vel
 etiam natura & virtus fuerit languida, vt ca-
 nicalē ortus tempore contingit. Autumnale ve-
 rō tempus, quia virtutem revocat, & humores
 refrigerat, nec non aërem calidum temperat,
 utile censetur ad potionem. Particularis autem
 temporis consideratione venit spectanda conco-
 ctio. nisi enim cibis vesperi assumptis bene co-
 ctus fuerit, manē bībi aqua commode non po-
 test, cruditates enim relictæ per potum ad hepar
 & renes raperentur. Ideoq; assumendus est ve-
 speri cibus paucus & digestionis facilis, curan-
 damq; vt somnus bonus fiat & continuetur.
 Est enī hoc notandum, ne aquām bibamus
 priusquam alvi deictio facta sit, proper prae-
 dentem causam. Atque tantum de his, quibus
 posic aquæ conveniat, quibus etiam obſit, sit
 somme-

commemoratum. Contingit autem saepe, ut hi
quibus potio prodest, post etiam, absoluta illa.
lavatio non obfit.

Quod ad lavationem attinet, I. lavare de-
bent hi, quibus metus est de colligatione ma-
gna, que ex partium magna imbecillitate de-
pendet, & à potu conciliatur. In eo casu lo-
tione brevi & non vehementer calida patientes
vti debent, ne imbecillitas oriatur & lipothy-
mia. I I. Considerandus est habitus. Si enim
musculosus & robustus fuerit, nec non venae
ampliores habuerit, bene lavatio conveniet. Si
vero extenuatus, vel siccus & calidus extite-
rit, nequaquam illa conferet, solvuntur enita
vires. I I I. lavatione vtendum, cum mor-
bus in habitu musculoso, aut in alijs partibus
nervosis & articulis fuerit: facilius enim &
commodius ab illa morbo discutietur & solve-
tur, quam à potionē, nisi in eo casu quis mem-
bra mandantia evacuare & corroborare velit.
I I I I. Ut melius tertium hoc caput explicetur,
prodest lavatio partibus exterioribus refrigeran-
tis, resolutis, convulsis, sed non ex inanitione &
siccitate, aut morbo Gallico ita affectis. In eo
enim affectu magis illa obest propter ingentem
resiccationem, quam partibus illis inferret: ex
frigiditate autem & humiditate hys affectibus
ortis prodest. V. Si iunctura & articuli dolo-
ribus ex materia frigida & humida infestentur,
lavatio

lavatio adhibenda (evacuatis tamen prius eva-
cuandis) omnino erit. dissolvetur enim crassus
& frigidus humor, & partes nervosa & arti-
culi roburabuntur. Advertendum tamen est, ne
eiusmodi dolores à materia biliosa & sicca, aut
à morbo Gallico ortum trahant, aut articuli &
nervosa partes à diurna fluxione omnino cor-
rupti & destructi sint: In eo enim casu lotio
obest, novi enim quorundam exempla. V I. Si
corpora obesa aut cachectica, aut tumoribus
flatuosis affecta fuerint, potius lavatio conferet
quam potio, extenuat enim & discutit, & ha-
bitum resiccat. Omnino autem in lavatione vi-
dendum est, ut de virtute constet, & prius in-
teriora viscera à noxia materia purgantur &
liberentur, ne affluxus fiat. Quæ igitur de po-
tione & lavatione commemorata sunt, ea quia
non ita intelligat, ut vniuersis his, quibus potio
conferat, non etiam lotio prospicit, & econtra.
Sed quod quidam sint, quibus lavatio non con-
ferat, nisi potionem præmittant, & sint quidam
morbi & partes corporis, quæ magis potionem,
sint & aliae quoq; quæ lotionem potius deside-
rent. sint etiam alijs quidam, quorum causa hæc
distinctio instituta est, quib. potio tantum com-
petat, sint etiam alijs quibus lavatio tantum.
Lavationem (quod superius etiam inculcatum
est) vitare debent febricitantes, morbo Gallico
laborantes, calidi & siccii corpore & humori-
bus

bus, phtisici, heftici, extenuati & resiccati ex caliditate, & similes alij, qui ob viscerum nimiam debilitatem aut caliditatem agrotant, etiam ea mulieres quibus menstrua oborintur, quemadmodum & potionem, lavationem quoq; vitare debent. Omnino autem curandum, ne hi, qui aut in syncopen aut lipothymiam, aut catarrhum suffocantem, aut in apoplexiā & epilepsiam incidere parati sunt, vel etiam quibus caput facile impletur, aut qui affectibus animi laborant, & mœrore & tristitia conficiuntur, aut ira nimis indulgent, sine respectu & discrimine lavatione vtantur, movet enim & fundit vehementer humores aqua nostra. Conferet autem & potio & lavatio ijs, quibus malum ab interioribus partibus ortum ad exteriores deducitur easq; infestat, hac tamen lege, ut primis certis diebus ijsq; continuis, aquam intrâ corpus assumans, post absoluto potu etiam lavent, ut melius ablato affluxu malum in extrinsecus partibus hærens dissolvatur & discutiatur. Pessimè autem faciunt hi, qui confusè & sine ordine nunc bibunt nunc lavant, sive hoc fiat eodem die, sive alternis diebus. Contrarijs enim motibus natura affligitur, & revulsiones sunt periculose. Sed de hoc in proprio capite, nunc ad tertium caput accedendum est.

CAPUT III.

E

Qvō